

# Son ar c'honoronavirus

(war an ton a garfed)

---

1 – Ma h-oc'h deut c'hwi da glevet, neuse a glevfed kanañ  
Eur son 'zo terrupl awalc'h, bet saved er bloaz-mañ,  
War ar c'honoronavirus, eur c'hleñved euzus meurbet  
Biskoaz na oa bet gweled traoù 'velse war ar bed.

2 – Nevez 'zo, a zo bet kleved, na oa ket bet se pell a zo  
Brud diouz eur c'hleñved horrupl, setu ase ar c'haeloù  
Kant vloaz 'zo, goude brezel, ya goude ar Brezel Braz,  
Evel eur c'hleñved laourus, « grippe espagnole » a grogas.

3 – Goude eur brezel ken kaled, millionoù tud bet lac'hed,  
Zo bet sifern brein-se, bernioù all tud skoed.  
Ya, med en amzer-se, na oa ked gouveed  
Pa varwe unan bennag, eo e blanedenn oa lakeed.

4 – Bremañ n'eoked memez tra, gant an oll skiañchoù  
'Vez gweled 'vel eun torfed, pa grog ar c'hleñvejoù  
Tamall dioustu da bep hini, ha d'ar gouarnamant  
N'eus ket graet ar pezh 'zo dleet, hon diwall diouz an tourmant.

5 – Er bloaz koz, daou vil naonteg, dija oa bet kleved  
Er vro Chinn, e tal Wuhan, neubeud tud oa marwed  
Ya, du-se er marc'hajoù, 'vel amañ pe war dro  
'Vez gwerzed war ar marc'had, loened beo pe maro.

6 – Koulz la' red gant eur c'haz nij, eul logodenn dall ma kerez  
Kleñved a lampas war an den, na pebez tristedigez  
Unan marwed gant ar paz, ya se zo eur maro euzus  
Med war lec'h daou pe dri all, se 'zo ankenius

7 – Ebarz an deizioù kentañ, na zo ket bet kalz a drouz  
Med 'pad sunveziou war lec'h, a oa krog an disurz  
Kalz a dud a oa mouged, marwed kreiz barrioù paz  
Kant ha kant tud skoed, se oa gweled biskoaz

8 – Ma vefe c'hoaz ar c'hleñved, chomed er broioù pell  
Me 'zo sur penaos an trouz vije bet disheñvel  
Med eur veach stoked an droug, diouz hon amezeien an nesañ  
Neuse oa kroged an doan, en hon touez da grenañ.

9 – Kar evid kregiñ, a oa bet soñjed, ebarz an deizioù kentañ  
E oa se 'vel eur sifern, eun taol arwez diouz ar gwasañ  
Med se ne oaked badet pell, pa oa klewed neuc'he  
Oa krog an dud da vervel, mouged ba' ho gwele

10 – Gwasañ tra zo bet neuc'he, penn miz Meurz paseed  
Ebarz ar vro Lombardi, ker Milan a zo hañveed  
Hanternoz an Itali, du-se eo bet ar gwasañ  
Archerien 'zo bet lakeed, heñchoù sac'hed da gentañ

12 – Se 'zo eun dra a zo kriz, 'med gwasoc'h oa goude  
Pa oa millieroù a dud, marved en eun deiz  
Da gentañ 'barz ar vro Chinn, med goude beteg amañ  
Oa krog tud koz, pe tud klañv, o ine da rentañ.

13 – Barz ar Frans, kichen Strasbourg, goude 'zo bet gweled  
Evel ebarz kerioù an Oise, tost da Baris diouz kleved  
Tud krog da vezañ klañv, kased d'an ospitalioù  
Ne oa ken trawalc'h a blas, da lakaad an tudoù.

14 – Neuse 'zo bet la' red d'imp, gant ar gouarnamant,  
Stouvañ omp fri, omp c'henoù, gant lienn heb dihan  
Ha d'ober maskeladenn, 'vel bugale bian  
Ha da werc'hiñ omp daouarn, deg kwech da vihanañ.

15 – Se 'zo eun dra a zo spontus, med gwasoc'h oa da weled  
An urz 'zo bet roed dimp, mont mez 'zo difenned.  
Mont da vale war ar mez, pe da vont da labourad  
A nevez eo difenned, 'med kaoud eun droet bennag.

16 – An hini 'zo war an heñchoù, heb kaoud e damm paper  
Sur eo 'da vezañ taped, ha pao war an eur  
Gant Bugale Mari Robin, kant lir a vez kemered,  
Uspenn se return d'ar ger, ha ger 'bet da la' red.

17 – Neuse 'zo bet lavared, na vije ket 'vid ar bloaz,  
Traoù 'vel Jeuiou Olympik, Tour de France ha traoù c'hoaz  
Priz Herve ar Menn lakeed, 'vid bloaz e Sant Rivoal,  
A zo bet harzed ivez, ha lakeed eun deiz all.

18 – Gant traen pe gant an avion, an dud klañv 'zo bet kased  
Kement a dud klañv 'zo bet, beteg an Alamagn bet diesked  
Kent a se er vroioù all, derc'he an droug da greskiñ  
Derc'he an dud da gouein klañv, ha se heb diminuiñ

19 – En Itali, en Espagn, bremañ en Amirik 'zo ivez  
Bern tud skoed d'ar maro, sac'hed 'barz ho gwele,  
Gwasañ tra eo d'ar familh, mateze an diesañ  
Eun den klañv en ospital, difenned da weled 'nezañ.

20 – Arri omp penn miz Ebrel, setu Gouelioù Pask droll  
Piou oar pegeit bado se, ar c'heñved fall ha diroll  
Mateze en deizioù an hañv, pe divezatoc'h c'hoaz  
A rei d'ar c'hleñved fall-se, mont en e dro 'barz ar c'harz.

S. Nicolas – saved e miz Ebrel 2020

11 – Difenned zo d'an dud, mont 'barz pe sortial  
Hag uspenn-se, bern tud klañv, hanter tost da vervel  
Eun neubeut deizioù war lec'h, piou 'nije kredet se,  
Ar c'hleñved tost da Venise, bruded mad eo ar ger-se.

